

北洋官報

目錄

宮門抄

奏議◎度支部奏議覆永定河另案工程撥款與辦摺△
 又奏郎中請開去監督在丞卷上行走片△東督徐等
 奉江省事繁款絀懇撥帑年經費摺△滇督奏收辦巡
 警學堂併教練所摺
 公債◎督憲札一件△議事會案一件
 文告二則△電報六則△新聞九則
 彙編◎日韓通漁協定書△韓國漁業法
 戊申官報目錄

本 日 增 刊 戊 申 官 報 目 錄 一 頁

本 局 第 八 十 六 期 法 政 學 報 已 出

本局廣告

本報要件一門現於正月十八日起改為北洋官報彙編分章程調查兩種各自為冊每日另刊一頁蟬聯而下以便拆釘成書其有特別緊要之件必須隨到隨登者仍照舊刊列要件以快先觀而免挨延

宮門抄

今日 上諭交 旨另印單張

正月十七日 紹英等由

內務府奏二十一日祭

東陵回京請

安 估公由

西陵回京請

安 薩廉續假五日

奉先殿富康行禮

又奏派致祭

宣仁廟

派出榮公

召見軍機

奏議錄要

度支部會奏議覆直督楊奏永定河另案工程擬由本省撥款與辦摺

奏為議覆直隸永定河另案工程擬由本省撥款與辦恭摺仰祈 聖鑒事內閣抄出直隸總督楊士驥奏永定

河堤卑矮日甚請分年撥款加培土方一摺又奏估修賢壩金門開並挑挖減河請一併撥款與辦一片光緒三十四年十一月二十五日奉 旨該部議奏片併發欽此欽遵到部查原奏內稱永定河近年河身日見淤墊兩

堤日形卑矮今歲大汛之前履勘兩岸堤高灘面僅三四五六尺不等及八月十三日之夜漲水距堤頂不過尺餘兼有不及一尺之處現查兩岸灘面較大汛前又淤高二尺有餘倘來年再如本屆之盛漲則已高過隄頂尺許防無可防茲由廳汛核實勘估酌量加培統計兩岸四百餘里共估土二百萬一千一百餘方需銀三十七萬四千八百七十兩零分作三年籌撥懇准飭部自宣統元年起至三年止每年撥發加培另案銀十二萬四千九百五十六兩以濟要工又附片奏稱該河南北兩岸自蘆溝橋而下舊有減壩二十餘座漸次淤閉現在僅存北岸三工之求賢壩南岸二工之金門開兩處一則壩身酥裂一則龍骨過低啓放爲難已同虛設據估該壩開拆修工料並挑挖減河兩共需銀九萬二千九百八十九兩零懇准飭部一併照數撥發各等語臣等伏查永定河經費自同治九年督臣李鴻章奏准復額後年支歲搶修稽料運腳等款銀九萬四千七百兩光緒十九年又奏添拋辦磚壩銀二萬兩二十年東河督臣許振禕又奏准加撥歲修銀四萬兩浚船經費銀二萬兩自二十七年督臣袁世凱將拋磚浚船兩款奏明停止該河道等卽以就款修防時形竭蹶然現在各款併計每年尙有十三萬四千七百兩之多較之未經復額以前歲支五成工款祇有四萬七千三百餘兩已加增將近兩倍通計二十七年迄今該河額支以及堵口加撥各案用款已有一百六十餘萬兩之鉅而堤工仍不足恃論者多以桑乾之水源出晉邊山水暴發挾沙而下以致河日高而堤日卑然古人論堤本有束水刷沙之法如果將河身受病之處逐年詳細查勘就歲修款項認真挑修何至水去沙停日形淤墊且該處河堤自甲辰至丁未四年兩決雖曰天災究因人事今據該督奏陳堤高灘面不過數尺現在灘面又高二尺請款培修分作三年舉辦並將求賢金門二處開壩減河一律拆修挑挖之處係爲先事預防起見工程險要自屬實在情形應准如所奏辦理至撥款一節臣部支應要需日不暇給各省關指

定之項均已無可騰挪卽上年合龍大工撥款多由藩漕兩庫墊發自應仍就該省本有之款設法籌濟查臣部本年奏定鹽斤加價案內議令每斤通加四文以一半劃歸產銷省分勻撥濟用蘆鹽通行直豫兩省以每年銷引六十餘萬道核計該省所得總在三十萬兩以上應令該督卽將此項培堤經費自宣統元年起至三年止每年應撥銀十二萬四千九百五十六兩暨修理閘壩減河銀九萬二千九百八十九兩一併在於長蘆鹽斤加價劃歸本省留用一半款內核實動支仍飭該河道等認真修築毋得以水大之年仍無把握爲詞希圖卸卸並將河工積弊實力掃除飭該河道常川赴工查勘凡河流不甚通暢之處務就常年額支各款隨時修治免致灘面繼長增高以重工需而全民命是爲至要恭候 命下卽由臣部行知該督遵照辦理所有臣等議覆緣由理合恭摺具陳伏乞皇上聖鑒再此摺係度支部主稿會同農工商部辦理合併聲明謹 奏光緒三十四年十二月二十八日奉 旨依議欽此

又奏郎中林景賢請開去殺虎口監督在本部叅議上行走片

再臣部郎中殺虎口監督林景賢前經山西撫臣遵 旨保薦人才由臣部奏明暫行交卸來京聽候查驗當

經查驗大臣覆奏奉 旨以道員記名簡放欽此現在該員由承修 崇陵欽工大臣溥倫奏充監督自應

開去殺虎口監督差務來京當差竊查該員係臣部得力人員現臣部遵 旨清理財政正在需才該員精明幹

練長於綜核合無仰懇 天恩准將該員林景賢開去殺虎口監督以郎中 記名簡放道在臣部參議上行

走如蒙 俞允所有殺虎口監督一差再由臣部揀員帶領引 見請 旨簡放以專責成理合附片陳明

伏乞 聖鑒謹 奏光緒三十四年十二月二十八日奉 旨依議欽此

東三省總督徐世昌署黑龍江巡撫周樹模奏江省事繁款絀懇撥常年經費摺

奏爲江省事繁款絀謹瀝陳困難情形懇 恩飭撥常年經費以濟要需而維邊局恭摺仰祈 聖鑒事竊維

黑龍江地處極邊夙稱貧瘠從前置兵鎮守民事無多自創設府州縣而政務繁興自改建行省而規制益備新政

待舉需用遂繁且野多未闢之荒地有蘊藏之寶農業礦務悉待經營若不坐規百年之計亟爲未雨之謀不惟地

方無由振興亦恐邊事難於補救無如財計空虛百端束手因循既慮坐誤竭蹶無以圖功此臣等所由日夕焦思

不得不詳切上陳者也伏查江省從前歲入全特部省協款爲八旗官兵俸餉之需自前署撫臣程德全開辦荒務奏設道府廳縣一切支用各款遂以荒價爲大宗然荒價係暫時收入之款並非經久不涸之源故上年改設行省時疊經該前署撫臣將支絀情形上陳 宸聽臣世昌自奉 命總制三省臣樹模自蒞任受事日念邊務

之緊要庶政之殷繁而杼軸告空補苴無術現在統算本省財政出入計部撥練餉邊防經費及本省捐稅大租稅契等項以積年歲入參考比較每歲不過共入銀八九十萬兩而現有之官俸兵餉邊務及各局處暨各項驛站學堂每歲計應開支銀一百九十餘萬兩其各項活支及建築工程款項尙不在內加以本年奏請新設之道府廳縣各費通盤籌算計每年將入款抵用外約尙需銀一百三四十萬兩毫無的款可指比年庫儲乏竭發放各款全用紙幣周轉計度支司挪借廣信公司紙幣積欠已至百萬兩以外均指荒價償還而腹地腴荒已盡領戶欠款難清度支司虛指荒價之名墾務局實無收進之款騰挪周轉會有窮時萬難恃爲持久之計臣等百計圖維開運官鹽舉辦屯墾清丈地畝收利均在三四年後不可以責近效而救目前且邊地苦寒不同內省之繁富人民新集尙待官吏之撫綏一切行政務存寬大不敢稍涉煩苛致成羅掘惟是增官設治修政籌邊均屬急切之圖萬不可緩之事亦不得以帑項支絀安坐失時查吉林上年請撥常年邊防經費銀六十萬兩荷蒙 特恩允准在案江省

邊綫延長較吉邊尤關緊要且近日整理庶政需款更繁而庫款奇絀較吉省尤甚綜計現在每歲不敷銀百數十萬兩非有的款接濟萬難維持再四熟思惟有奏懇 天恩俯念邊事艱窘 特准飭下度支部自明年始除

舊撥二十六萬兩外按年籌撥江省實銀六十萬兩以三十萬兩作爲補助舊有各官及新設各官經費以二十萬兩改發巡防兵餉以十萬兩合之上年度撥十萬兩專供沿邊卡倫要需此外如有不敷無論如何爲難應由臣等竭力設法籌補應用俟數年後諸事辦有端倪荒地逐漸升科捐稅押租亦較現在情形充裕即將此款隨時奏請停撥庶於 國帑邊情可期兼顧顧臣等實因江省地處邊瘠施設萬難故不得不切實陳明所有懇 恩飭撥江

省常年經費緣由除咨部外謹恭摺瀝陳伏乞

皇上聖鑒訓示謹 奏宣統元年正月初七日奉

旨度支部詳議具奏欽此

雲貴總督錫良奏改設巡警學堂並教練所摺

奏爲滇省改設巡警學堂暨酌設巡警教練所恭摺具陳仰祈 聖鑒事竊准民政部咨奏定各省巡警學堂章

程內開高等巡警學堂各省城須設一處限三個月內設立巡警教練所府廳州縣須設一處限六個月內設立其

各省已設有巡警學堂者均按照此次奏定辦理各等因當經轉行遵辦去後伏查巡警爲內治之基警學尤爲施

行警察之本滇省警察學堂設於光緒三十二年原定章程文武學生各二十名外附團練學生六十名三個月畢

業派充教習經前督臣丁振鐸奏明在案上年奴才到任查原設學堂專係造就警官因於省城設立巡警營挑選

土著良民及原設警兵電調四川得力警員來滇管帶教練畢業之後分段站崗巡查警兵程度太低復據前總辦

警察局調演試用道李鏡清會同臬司詳請將原設警察學堂暫行停辦改巡警營爲警士學堂提高警格羅致俊

秀於是投考者類皆文理通順之人計上年十二月開堂本年四月畢業共得頭班畢業警士四百一十七名爰於

省城內外劃分九區區設巡官二員司法一員庶務長一員又分設派出所六十三處每所用長巡六名即以畢業

警士派充各該警士分區當值之後多能勤供職務掃除積習頓改舊觀此奴才去今兩年編設巡警營暨改辦學

堂之情形也茲奉通行章程釐訂極爲明晰既有以示率由之準昭劃一之規自應將省城現設警士學堂改爲高

等巡警學堂另行設立教練所招選學生以備巡警之用惟定章高等巡警學生至少須滿五十名應以本省舉貢

生員及中學堂以上畢業者考選川省風氣尙未大開中學堂又甫經開辦斟酌現時情勢不能不略寬成格稍展

限期而現有警官又實不敷派用擬先辦高等巡警學堂應行附設之簡易科暫定學額五十名一年畢業俟運有

能合高等程度之人再行開辦三年畢業之完全科以期深造至於省城巡警現在警士學堂二班學生亦經畢業

合之頭班僅共四百八十餘名除隨時斥退病假外人數亦已無多若待新設教練所一年畢業則缺額填補需人

實屬緩不濟急擬請於省城教練所招足百名先開一班暫以六個月爲畢業以後即行遵章辦理惟省外各廳州

縣地方困苦財用拮据按照定章有不能不量予變通者滇本邊瘠之區年來新政繁興地方公款羅掘已盡各屬

現辦巡警每處多者五六十名少者止二三十名經費已萬分竭蹶若遵定章府廳州縣各設一教練所額限百名

目前不特無此多數教員而財力實有不逮蓋瘠苦州縣往往有城內居民不滿百戶鄉間數十里寂無人煙者情

形既有不同辦理自難一致擬請於各府直隸州先設教練一處調集所屬合格學生教練其並無屬邑之直隸廳

即酌量送至附近府州附習開辦之始亦請暫勿拘定一年畢業之限俾得因地制宜其各廳州縣有力能籌款自行設所者仍聽其按章設立以廣造就據署雲南巡警道楊福璋具詳請 奏前來除飭將章程名冊詳請咨部查核外理合恭摺具陳伏乞

皇上聖鑒敕部立案施行謹 奏宣統元年正月十三日奉 旨該部知道欽此

公牘錄要

督憲楊准外務部咨照錄韓國新訂漁業法總則並改訂與日本通漁章程札飭漁業公司查

照核覆文

為札飭事宜統元年正月初二日准 外務部咨開光緒三十四年十二月二十一日據駐韓總領事呈稱奉札開准山東巡撫咨准漁業公司復稱東省出魚最多之區並無韓國魚船在界內捕魚至東省漁船赴韓界內捕魚者近年因被韓國稅關苛罰往者漸少若與互換本省漁戶多不樂從似宜各守界限俟將來漁業擴充再行訂約等情復據登萊青膠道勸業道各稟意見相同自應暫從緩議以免別生齟齬札行遵照等因查我國來韓漁船除山東省外其為奉天直隸兩省者亦復不少向係春夏間由內地來韓故明年春夏該漁船等無想必仍照常前來捕打魚蝦而韓國政府近日於漁業一項頗為注意前已頒發本國漁業法各條例暨與日本改訂通漁章程均定於明春三月施行彼時我國漁船來韓則顯違其定章至被海關巡船拏獲多生交涉理合將韓國新訂漁業法總則並改訂與日本國通漁章程譯呈鑒查應否就奉直兩省與日本政府提議通漁之處抑或將來韓漁船一律預為禁阻乞酌核訓示等語查此事本部前於本年四月初二日抄錄該總領事原函暨徐許兩大臣與韓外部往來照會咨行貴大臣就近體察情形酌定辦法咨部核辦在案茲准前因究應如何辦理之處相應照錄韓國新訂漁業法總則並改訂與日本國通漁章程再為咨行貴大臣查照酌核聲覆以憑核辦可也等因到本督部堂准此查此案前據盧提學司以直隸沿海口岸均在渤海灣以內漁船祇能近在渤海捕魚其遠出黃海前往韓國之平安京畿等道捕魚者甚鮮我既不能往彼處捕魚豈可許彼來渤海張網是互換數處捕魚一節無益於直隸漁戶宜各守各界以保海權等情詳經咨覆在案茲准前因合行札飭札到該道即便查照辦理詳咨此札 (章程另登)

天津縣議事會稟督憲文

敬稟者竊查議事會稟請接辦義阡公所一案蒙 批具稟已悉候行天津道府縣核議詳覆飭遵等因奉此自應靜候核議遵行無須多瀆惟近日迭接董事會公函議員報告地方人民說帖皆謂該公所舞弊多端乘機變賣公地遷掘墳墓急如星火以致屍骸暴露慘不忍言若不稟明 憲台速行飭禁恐於道府縣詳覆之前已將該地售賣本是地方善舉反收最惡結果殊非列憲提倡公益之至意謹將原函及報告說帖撮其大要敬為 憲台縷晰陳之按董事會公函已非一次其最後公函內開義阡公所所管公地屢有出售之事前曾兩次函請核議辦理在案刻又聞西門外義地有被義阡公所售與津浦鐵路局之事約地七頃餘索價每畝一百六十兩給價一百二十兩遷墳費每棺一口一兩五錢聞已有成局接義阡公所之意不將公地賣淨不交我會接管等語又議事會議員報告內開據津浦鐵路公司某員云義阡公所現擬賣給該公司義地約六七頃公司給價每畝一百二十元該公所已讓至一百六十元公司窺破其急就之意不肯添價而該公所時常催促目下正在交涉之中所有無主之墳該公所允為遷徙定於今年正月二十日開工等語又據吳邦彥趙澍說帖內開前閱各報載有貴會登布公文稟請由董事會接管義阡公所一案繹讀之餘實深欽慰天津義阡公所地畝數年以來據津人士所傳聞為該管董事及委員等盜賣不少貴會至今始議接管不能無憾其稍遲然猶幸貴會能為此桑榆之補也乃至今數月尙未實行接管地方人不悉貴會之內情如何以為執行不力不免噴有繁言前月間又見續行稟請接辦公文乃知貴會確能順輿論而盡責任地方人之竊竊私議者誠過慮也惟是兩次詳稟仍多含蘊未盡之詞不肯盡揭其秘以至該董及該委等知貴會無澈底究查之意亦不過仍如清丈公所但求照章接管既往之隱匿偷賣概弗深究因有恃而無畏愈肆其乘機打劫之謀貴會博寬仁長厚之名而不知其貽害乃至於是似亦難為貴會寬其責備也查義阡公所即義阡局其所有義地或為廟產或為紳士施捨之地或為業主失迷之地總之皆地方產也庚子以前即由善堂某董事經理而受官府之監督庚子後該董等報稱地冊失迷稟請重為清理前府憲恐或不服理論因派委員會同辦理適近年以來天津商埠驟加繁盛界址大為開闢地價飛漲人爭購買而該局義地底冊既報失迷所有地段畝數惟該局董事一人知之於是該董與該委為護符該委以該董為鄉導兩人狼狽為奸據外間

所傳聞影射盜賣之事不一而足吾津人士紛紛動議而莫可如何今所盜賣之地買主持有新契雖欲澈底根究已屬萬難措手嗚呼地方自治之完全與否皆視地方款項之充足與否今事屬創行既未便驟加地方稅以啓國民之疑所恃以進行者祇此些須之公產耳乃多爲若輩所盜賣阻我自洽前途十年之進步若輩之肉豈足食耶卽如貴會前稟所指津浦鐵路應用之地一項查該地約七八頃近因貴會稟請接辦該公所與津浦鐵路商辦愈急而又慮貴會之干涉也竟一變其向來竊賣之手段而樹一官賣之旗幟一切商稟府憲將來賣成而後卽以府憲之勢間執地方人之口並以壓制貴會心術之險手段之高亦誠不可躋及然渠亦地方之種子何遽喪心病狂至此也又聞鐵路應用之地所有無主之墳已由鐵路發款由該董遷移并有一班無賴之徒四處招搖外間人言嘖嘖不忍聽聞夫若輩既賣我地方之土地今又賣我地方人死後之枯骨我津邑人民號稱七十萬而此輩竟得跳梁不禁爲所欲爲尙得謂爲人耶貴會受地方之委託有保衛地方公產之義務有治安地方人民之職權務宜作速設法請將該公所交由董事會接管勿容該劣董等假官府之名永遠把持視爲己有則地方公產之幸卽地方人民之幸也等語又據阮福田劉幼品說帖內開白骨塔義地俱掩埋貧民棺木一望無際原設義阡局及掩骨會皆爲善舉近日忽見義阡局招夫遷移各墳於他所傳說此地係備車站成立後蓋房之用並未出示預告有墳之家其有墳之家得知此信急待尋墳亦無可考緣起出之棺運於他處遺骨遍地慘不忍見義阡局只求包運速竣致令地方善舉變爲暗無人理等語議員等公同核議僉以義阡公所經理義地早已物議沸騰議事會迫於輿論前曾稟請天津府飭令該公所將一切圖冊賬目款項交由議事會核議以釋羣疑因久未奉 批人言嘖嘖遂兩次遵照地方自治章程條例稟請 憲台批准接辦現據公函報告說帖所陳各情形該公所不恤人言以地方公共之產壟斷大利於公理人情殊多違碍且情事急迫勢難久延無已惟有仰懇 憲台嚴禁該公所於道府縣詳覆飭遵之前不得將所管地議賣分毫並 飭知津浦鐵路公司購地委員亦應俟道府縣詳覆後此項地畝應由何人經管再行商辦此時不得向該公所購買仍懇 憲台行知道府縣從速核議具覆免致另生枝節可否之處應請 批示遵行肅此具稟恭請 崇安伏希 垂鑒

文告錄要

督憲批示錄要○運司詳海豐場灶戶無力盤運灘鹽及缺晒本請准借給庫款分限歸還 批據詳海豐場灶戶因海潮成災無力盤運灘鹽及缺晒本既據該分司飭查屬實應准援案借給庫款銀三千兩以示體恤所借銀兩自宣統元年起分限六年每年歸還銀五百兩由該場大使於各商築運鹽價內按包酌量坐扣年終彙齊解庫歸款倘有不足責令互保各灶代爲賠繳足數不准藉詞展限仍飭該場大使取具各灶實領銀數甘結及互相代償保結由司核明呈送查核仰即查照辦理飭遵繳○署吳橋縣呂令調元稟報卑職前署獻縣任內盜銷鹽引請照例獎叙由 批據稟已悉該縣前在署獻縣任內督銷光緒三十四年鹽引盜銷三千二百十三引例得請獎仰運司核明彙案詳辦並由司移會何道等查照稟抄發此繳

直隸法政學堂告示○爲招考事照得本堂乙丙兩班學員現已畢業自應補招新班自費學員二百名以宏造就合亟抄錄簡章出示曉諭爲此示仰各省舉貢生監及候選人員知悉如有願意自費入堂肄業者即查照後開各條依限親身來堂報名聽候考試慎勿觀望自誤進取切切此示 計開招考簡章 資格 以文理明通身體強健確無嗜好年在四十以下之各省舉貢生監及候選人員爲合格本省候補人員另由各大憲考送不在此內 年限 遵照學部奏定法政學堂別科章程三年畢業 學科 遵照學部奏定法政學堂別科課程辦理 獎勵 遵照學部奏定法政學堂別科畢業獎勵章程考列最優等優等者內以八品錄事二等書記官分部補用外以直隸州判分省補用最優等並加升銜考列中等者內以九品錄事三等書記官分部補用外以道庫大使按司獄縣主簿分省補用如係候補候選人員考列最優等優等者各就原官分別保獎京官獎以遇缺即補儘先選用各班次外官獎以儘先補用儘先選用各班次最優等並給予加一級考列中等者各就原官保獎升銜 學費 每年按月收學費洋銀三元分兩期交納均於開學之先交齊不在堂食宿操衣靴帽由堂代辦由學生備價有能照式自辦者聽 保證 入堂之先外省人取具同鄉官保結本省人取具確實舖保並交保證金二元 報名 自正月十六日起在保定藩署本堂報名隨帶四寸像片一張自書姓名於上無像片者概不收考限本月底截止二月初二日考試

電報錄要

倫敦電○英京至印度喀拉士地方電線現在直接交通間相距共五千五百三十二英里

又電○美國兵艦馬理田尼亞號前入塢修理現已竣工駛往紐約間該艦之速率較前加增云

柏林電○德國駐紮膠州兵隊前定於由西比利亞鐵路回國現聞德政府諭令由印度經過回國以便助理德國

輪船家擴充南洋航務

東京電○日本駐韓統監伊藤氏因韓國儲君(現在留學日本)將在日本完婚擬回日本以便辦理一切聞該儲

君係與日本某親王之女聯婚云

又電○日本政府現派野戰砲兵監大迫尙道氏前往滿韓等處差遣又派外務參事官佐分利貞氏往滿洲辦理

外交事宜

漢城電○韓皇遊歷韓國南北各處現已旋京日昨特在宮中設筵邀請統監伊藤氏與駐韓司令官大久保氏以

及韓國各大臣

新政紀聞

政治

警局辦事之認真○天津巡警總局通傳各局區現查四局三區九至十二鐘石橋胡同迤西兩崗迤東兩崗所服

軍衣袖章太寬雖寬大袖章於軍服外表固可壯觀究與定章不符又鼓樓四面均不准粘貼告白所以製有特

許廣告木牌以示貼粘定所茲查東方一面竟有亂貼者殊屬雜亂有碍觀瞻足徵該管官弁平素慢無覺察殊

屬疏忽已極本應各記大過姑念巡官專責內勤不暇及此暫從寬免而巡弁專責外勤似此敷衍塞責咎無可

辭相應記大過一次以爲不能勤務者戒

札委督辦地方自治○江督端午帥以地方自治實爲憲政基礎如自治規模不能確定地方議會不能成立則國

會議員無所取裁即一切行政機關無從整理特札委藩司樊方伯爲江甯地方自治局督辦方伯奉札後即逐

日到局綜核一切

選舉調查事務所簡章○安慶懷甯縣選舉調查事務所已擬定簡章茲錄如下 一定義 本所設立專司調查

本縣各區公民有無選舉被選舉資格至選舉人名冊確定而止不干涉他項公益 二場所 以本縣七鄉公所爲事務所有特別集會就明倫堂舉行 三經費 借撥積穀公款項下三百千文暫行動支一切務從撙節本所事務完成須核實決算公告不足時應於地方公益財團內設法補充 四區域 本縣向分在城濼水欽化大豐堯年受泉潛岳七鄉今仍各鄉自然界址定爲七區如在城爲一區濼水爲二區以次遞推免再劃分轉生遺漏糾葛之弊 五職員 本所今推所長一人坐辦三人調查員每區六人一區人口較繁增調查員爲九人皆爲名譽職不支薪水應設書記會計幹事各員暫歸坐辦分任酌給津貼其分赴二三四五六七等區調查員由所酌給夫馬費 六任務 所長有本所權限範圍內一切之責務坐辦兼書記會計幹事之職須常川駐所籌辦關於本縣初選各事項會商所長決議施行調查員按 奏定諮議局章程第二章第三條至第七條并參照職務調查須知辦理 七日程 選舉調查事關創辦手續至爲繁隨非按日計程不免觀望遷延紊亂秩序所有逐日進行事宜如左 (一)廣發通告預定開正式大會日期及應行提議事項(七日) (二)招集各職務員得其擔任職務之認許(併合前日) (三)補選調查員之缺額(併合前日) (四)報告事務所成立請初選監督給送各職員照會頒發各區選舉調查白話告諭(附列選舉被選舉資格及停止剝奪公權之限制) 調查事務所圖記(七日) (五)調查員齊集事務所研究選舉章程及應注意事項領取草簿記事簿(五日) (六)調查員分配區域出發(二日) (七)實行調查登記選舉人資格(七日) (八)編選舉人名冊申送初選監督(七日) (九)初選監督審查編定選舉人名冊(七日) (十)宣示選舉人名冊(十日) (十一)初選監督判定更正選舉人名冊之呈訴(五日) (十二)選舉人名冊確定申送複選監督

外 交

咨請保護遊歷教士○督憲准鄂督咨美國教士顧明恩携眷至湖北河南安徽直隸四省遊歷又英女教士魏寶榮魏崇道英教士伯禮第巴格道耿光明柳慶春均由漢赴湖北四川河南山西陝西甘肅遊歷各等情已札飭所屬照約保護矣

咨請保護遊歷英人○督憲准東撫咨英人王經年由濟南府往山東安徽江蘇福建河南浙江直隸湖南湖北廣

東十省遊歷等因已札飭所屬照約保護矣
學務

批飭詳送畢業冊籍○江蘇松江華婁兩縣合辦之高等小學堂業屆四年卒業去臘由華婁兩令彙詳提學司派員考試等情奉樊文宗批云查學堂畢業考試係爲證明學生程度而設並且有關獎勵其事至重部章中學以下學堂應送畢業學生履歷各冊及講義書籍成績等項雖無呈送提學司明文然本司有考查辦學各員功過之責若於學生平日學業程度年限能否畢業皆茫然不知但憑該縣官紳一紙報告卽悉如所請將何以別賢否而杜弊混察閱來詳此次舉行畢業甲班生係若干名歷幾學期是何姓名籍貫成績若何既無表冊亦未聲叙本司無從核辦至請派員會攷一節自係爲慎重考試起見然該縣來文係於十六日到司而發文係屬初九日來詳已稱一面照會勸學所總董教育會長擇日開考本司卽於文到日立卽派員前往已屬不及似此草率從事實屬不成事體仰該兩縣督飭該校長遵照指飭速將各項冊籍詳送來司再行核奪勿再含混干咎另詳送憑式一件亦欠妥洽應候詳覆到日一併核示並卽飭遵云

高等學堂添設豫科○閩省高等學堂添設豫科三班兼課英德法三國語言五年畢業升入正科已通飭各府州縣考選高等小學畢業及中學肄業自備資費趕於正月初十日到省聽候示期考驗入堂上課

軍政

存餉照章發給○陸軍部定章凡各直省新軍日兵餉精項下每月由該長官扣銀一兩存於該團長處扣至六個月卽行頒發以便各該目兵添補衣履之用寧垣新軍各團隊早已遵章實行茲各目兵存餉已扣足六個月自應照章發給以符定制故鎮統徐固卿軍門特通飭各團隊長按名發給以示體恤而符定章

派兵分駐要隘○江蘇常鎮道劉觀察以本郡北門外雩山南門外大覺寺及京硯山等處地屬衝衢行人往來絡繹不絕現在又屆新正宵小之徒最易生心搶劫之事恐不能免特咨商巡防隊統領周錦堂協戎派撥弁兵分駐各該處以資鎮攝而衛行旅

上諭

正月十七日 京電本日閣抄奉

上諭禮部奏擬請舉行

升禱典禮一摺本年三月十二日

德宗景皇帝梓宮奉移

西陵梁格

莊行宮暫安距永遠奉安之期為時尚遠若俟永安

山陵後始行

升禱歲月稽遲殊無以妥

先靈而昭誠敬朕心實有未安

德宗景皇帝神牌即於

奉先殿神庫內擇吉恭製先行

升禱 奉先殿俟將來

山陵永遠奉安禮成後再行

升禱

太廟該衙門其詳查典禮

敬謹遵行欽此

上諭現在時事艱難需才佐治國家原不惜重祿以勸士破格以用人乃近來京外各衙門於舉辦要政奏調人員及請加經費往往未能綜覈名實或以微員而膺不次之擢或以一人而兼多處之差究之所薦者未必皆奇特之士所用者實不免奔競之人近年新設衙門新建省分往往多坐此弊冒濫虛糜實為惡習嗣後各部院堂官及各省督撫奏調咨調各員均由吏部切實攷核官階履歷相符再准發往其所得薪金有多至數處者亦應由該管長官切實裁汰至各衙門官員薪費并著核實釐定毋得漫無限制用副朝廷循名覈實餼廩稱事之至意欽此

上諭湖北勸業道員缺著鄒履和補授欽此

監國攝政王鈐章

軍機大臣署名



交



旨

正月十七日 軍機大臣欽奉

諭旨

大行太皇太后几筵前行三滿月禮由

監國攝政王代詣行禮欽此

諭旨

大行皇帝几筵前行三滿月禮由

監國攝政王代詣行禮欽此

諭旨紹英等奏估修

普陀峪

定東陵

神路營房工程錢糧數目摺單著依議欽此

諭旨紹英等片奏估修

普陀峪

定東陵

神路營房工程應派監督等駐工所需盤川由平餘

支發等語著依議欽此

北洋官報彙編

章程類

外務部譯錄日韓兩國通漁協定書

內閣告示第二十三號

本年十月三十一日韓國政府及統監府協定韓日兩國臣民之通漁業規則自韓國漁業法施行之日起一律實行

協定書

一日本國臣民准在韓國沿海江灣河川以及池湖等處經營漁業
池湖等地方經營漁業

二此國臣民在他國版圖內營漁業者均須遵守該地所行漁業之法規

三韓國漁業法規內屬於司法裁判所之職權各項事業若遇日本國民當由各該管日本官廳辦理

四韓國開國四百九十八年十月二十日日本明治二十二年十一月十二日會印之韓日兩國通漁規則及其餘所關兩國通漁之約一律廢止

又譯錄韓國漁業法

第一條 本法所稱爲漁業者以採捕水產動植物又業養殖而爲營利目的之謂

第二條 凡營左開漁業種類者應受農商工部大臣許准

一在一定水面建設或敷設其漁器有限一定漁期之漁業第一種許可漁業

二在限定區域內捕介類暨採海藻或營養殖之漁業第二種許可漁業

三限定漁期而在陸地或巖礁處限有一定地方爲用扳督洩網之場而返復使用之漁業第三種許可漁業

四限定漁期而在一定水面以爲建設或敷設漁網而返復使用之漁業第四種許可漁業

除前項之外另有按照漁法在一定水面投以資本或費以勞力而集魚類之漁業第五種許可漁業此項漁業

可得稟請農商工部大臣與以許可並加保護

第三條 許可漁業之期以十年爲限但因漁業者之請農商工部大臣可得更變期限

按第六條將漁業權命其停止之期限不在前限之內

第四條 在一處地方不許以同期同類漁業但第二條第一項第三號第四號之漁業不在此限

第五條 漁業權可得繼續讓授公有擔保及借用之事但未經受農商工部註冊者無效

第六條 農商工部大臣以該水產動植物認爲漁公益上有益之際可得將漁業權限制或令停止另訂定條款

第七條 在左開各項之時農商工部大臣能將漁業權註銷

一 無端受許可漁業之日起一年以內並不經營或連續兩年以上停業者

二 不依本法或照本法所發之令及違背辦理者

三 有前項事由之時

四 有違背限制之漁業權及違各條者

五 漁業稅及罰款不遵指定期內完納者

借受漁業者之所爲作爲本有漁業權者看待可照用前項所定規則

第八條 因漁場界址及業漁方法以及別項漁業權範圍之事以致漁業者互起爭端時兩造須據情稟請農商

工部大臣裁決

第九條 左開漁業種類未經受有農商工部大臣許可者不得營業

一 在陸地或巖礁等處掛罾曳網之漁業而不屬於第二條第一項第三號之漁業

二 借風力或潮流曳罾網於水中之漁業

三 以人力或機器力將魚網圍取魚類起上漁船之漁業

四 用淺水機器之漁業

五 第二條第二項之漁業未受許可者

熱河都統廷奏撥工藝廠經費及開辦日期等摺

十六日

學部奏酌擬北洋大學堂豫備班學生獎勵摺

江督端等奏審明庇縱梟匪營哨各官分別定擬摺

熱河都統廷奏遵章設立戒煙查驗所片

十七日

學部奏核議山西農林學堂林科畢業獎勵並限定中

等農業學堂畢業年限摺

直督楊奏直隸州州同州判擬以舉貢截取就職人員

試署摺

東督徐等奏籌辦奉省學務情形摺

十八日

東督徐等奏奉省設立森林學堂暨種樹公所摺

又奏漁業公司改歸商辦另設官局保護摺

粵督張奏請將刑律草案詳加更訂摺

十九日

翰林院代奏諭編修長霖敬陳管見摺

東督徐等奏江省擬建圖書館摺

二十日

晉撫寶奏同蒲鐵路辦理實情摺

又奏改舉劉篤敬等爲同蒲鐵路公司總協理片

御史張世培奏都察院官制闕略請

飭令詳議增

訂摺

御史俾壽奏京外冗員宜設法疏通摺

二十一日

直督楊奏請以馬廷襄補中軍副將片

東督徐等奉海城縣三家子處河道撥款疏濬摺

御史俾壽奏請開儲材館廣選材能以備顧問摺

又奏各部院官缺請 飭破除滿洲蒙古漢軍畛域

片

二十二日

吏部奏議覆雲貴總督奏將鎮康土知州改土歸流摺

御史王履康奏整飭吏治請先從州縣久任入手摺

又奏山東增加鹽價他省不得援以爲例摺

又奏請禁革官媒改設婦女待質所片

二十三日

度支部奏遵議豫撫奏幣制宜速按錢價釐定摺

江督端奏淮南鹽引產不敷銷亟須培養商灶並借運

北鹽摺

二十四日

法部奏習藝人犯工所難容請暫行變通辦理摺

江督端奏南洋測繪學堂兼地形測量辦理大概情形

並開辦三角測量摺

滇督錫奏滇甸騰越鐵路工鉅費難酌改隨稟認股章程摺

二十五日

考察憲政大臣達壽奏憲政重要謹就考察事件擇要

進呈摺

陸軍部奏遵議永定河工出力員弁請獎摺

又奏遵議永定河工另保各員片

又奏遵議永定河工案內馬龍標請加提督銜請

旨片

農工商部奏奉天安東商埠設立商務總會請給關防

摺

二十六日

考察憲政大臣達壽奏考察日本憲政情形具陳管見

摺

二十七日

考察憲政大臣達壽奏國會年限無妨預定摺

又奏先立內閣統一中央行政機關片

二十八日

學部會奏分科大學開辦經費按年籌撥部款摺

又奏請撥望海樓地方葦塘官地建築農科大學片

又奏派遣商衍瀛何燭時赴日本考察大學制度片

二十九日

吏部奏嚴定禁煙考成議叙議處各案摺

三十日

稅務大臣奏查明免稅各案會議覆陳摺

又奏浙省粵漢鐵路機器材料併請免稅三年摺

八月初一日

候補京堂勞乃宣奏進呈簡字譜錄摺

御史黃瑞麒奏請節糜費重名器摺

又奏請優定督撫公費片

初二日

農工商部奏籌議華商創興瓊崖事宜酌擬辦法摺

又奏請以胡國康督辦瓊崖墾礦事宜片

初三日

順天府會同直督奏設局整頓順屬捕務警務摺

又奏捕獲要犯由局員審擬請旨懲辦片

開缺皖撫馮奏刑律草案略陳大要數端摺

初四日

會議政務處奏議覆御史史履晉奏禮學館宜專派大

臣管理與法律館彙同商訂摺

吏部奏議覆桂撫奏邊防出力人員改爲三年列保摺

痛不欲生

廣東華壽仙先生述說如何報答韋廉士大醫生紅色補丸之深恩華君壽仙廣東新關之大寫也計供是職三十有九年因老告歸優游鄉里其所以得享遐齡者皆歸功於韋廉士大醫生紅色補丸之能力使之精神強健身體康甯焉茲將華君來翰附錄於下云○余夙患足疾兩腿腫痛莫可言喻有時痛甚竟致數日勉強臥床不能獨自行走即或偶欲動步自彼至此必須倩人左右扶持余因雙足瘋癱使全體皆受疾病痛不欲生自覺如此輕弱不禁潛焉出涕每思己身本為靈動之軀乃竟受此酷慘之刑不得自由強作懶人抑何使我至於此極也余為四肢疼痛以致辦公之處未能時至公事未免廢弛雖常試服多費醫資皆無效驗一日偶獲小書一本見所載韋廉士大醫生紅色補丸功效之神奇遂購服一瓶便覺大有轉機於是接連服之痛苦全消步履安詳無須賴人扶持余友見之大為詫異矣余現年六十有六身體康健精神勝常無異少時益信此誠為奇藥之大功並心感韋廉士大醫生藥局東翁之深恩甚願允許韋廉士大醫生紅色補丸用余之保證廣告於世○韋廉士大醫生紅色補丸能復新男女老幼之氣力是丸治疾有清血補血之功使全體能生潔淨有力之新血在全球中已醫治無數之疾病即如風濕骨痛 腎骨痠痛 胸膈飽悶 胃不消化 肝經

廣東華壽仙先生玉照



各病 頭痛頭暈 山林瘴氣 腦筋無力 諸虛百損 少年貪老 左癱右換 腳氣衝心 瘡疥癩疹 皮膚諸症 以及婦女經水不調男子操勞過度等症服是丸力能全愈患病小孩力能強健焉 中國各處藥局商店均有代售或直向上海九江路B字第八號 韋廉士大醫生藥局中國總發行處購買亦可 價銀每六樽大洋八元 每一樽大洋一元五角 遠近郵費一律不取

利文洋

本行開設天津上海香港志呢華海參崴等處均設立有年諸班貨物由外洋本機器廠自造砗蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砗蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西商學士
 考驗拉力俱高外洋之貨且機器加大出灰足敷主顧購用尚有製造
 之紅磚花磚灰瓦水溝管子土等項無論躉零交易均可本公司總理處
 設在天津海大道英租界先農公司對面並於北京烟台上海漢口等埠均
 分銷處藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑛藍 奇巧美術玩器 日用雜貨俱全 學界文房用品 旋行攜帶等件
 精工裝身物料 定織各色薔氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙 官仕紳商推許奏譽遠近周知茲因 北洋
 官醫局之聘除星期外每日早十點鐘起至午十二點鐘在 官醫局視病其餘時刻仍在本院候診茲將改訂時
 刻開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘
 出診惟星期則整日在院 二凡遇有重要病症除往官醫局時刻外隨時皆可出診不拘時限或有應剖割病症
 隨時來院均可註治 三本醫出診除應收醫金外概不多取如有車夫索費等弊請即告知本院斥辦 四凡來
 病院取藥者無論何時皆可配給 五本醫院備有潔淨養症室上等三間次等五間三等五間看護周到飲食一
 切或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

京師自來水公司提前付給官利廣告

查本公司定章二月會議三月付利原為年終結賬餘紅利諸待核算現在創始工程正在開辦股東會尚未成立日本開市售水並無紅利可結現蒙直隸督憲按照奏案籌撥官款保息以昭大信業已如數撥到爰將各股東自交股之次日截至光緒三十四年年底所有應得八釐官利提前付給茲特與天津銀號商定代付官利辦法凡各股東有願在京城取息者不論當初係在本公司交股或在天津掛號聲明以便知會願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會指之處屆期照付免致不能接洽現定京城自正月十六日起外埠自二月初一日起請各股東攜帶息單分別到各該處支取息銀特此廣告再所有股票業於年前分寄各交股處倘有未經換取者請股東持收條迅速往換兩以奉聞

付利處天津銀號住址

天津北馬路 張家口下堡大新店內
 北京東安門外 上海北市後馬路興盛棧內
 保定北大街 漢口永甯巷上首胡同昇首飾店對過
 唐山大街路南

天津銀號廣告

本銀號代辦直隸公債所有光緒三十二三十三三十四第一二三年各期應付本利銀兩業經照數分付並廣登告白各在案茲值本年宣統元年正月杪為公債第四年第一期滿給還本利之期凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票對取現銀毋得自誤再如有本埠上三年到期未經支取各票本利銀兩亦可至本銀號驗票續發特此佈告

工商演說廣告

啓者本月十八日晚八鐘至十一鐘為本所本年開始演說仍在東馬路宣講所內並請何子琴先生演說風水與氣等力之速率韓鏡湖先生演說輕氣球之理解季子鶴先生演說天津商業之大概宋則久先生演說學問與工商之關係務希各工商屆時惠臨入聽不取分文特先佈告

天津勸工陳列所啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

保定法政學堂招考廣告

資格 以文理明通身體強健確無嗜好年在四十以下之各省舉貢生監及候選人員為合格本省候補人員另由 各大憲考送不在 此內

年限 遵照學部奏定法政學堂別科章程三年畢業

學科 遵照學部奏定法政學堂別科課程辦理

獎勵 遵照學部奏定法政學堂別科畢業獎勵章程辦理

學費 每年按月收學費洋銀叁圓分兩期繳納均於開學之先繳齊不在堂食宿操衣靴帽由堂代辦由學生備價有能照式自辦者聽

保證 入堂之先外省人取具同鄉官保結本省人取具確實舖保並繳

報名 保證金二圓

自正月十六日起在保定藩署本堂報名隨帶四寸像片一張自書姓名於上無像片者概不收考限本月底截止二月初二日考

試

商務半夜學堂廣告

第一第四商務半夜學堂甲班生於去歲畢業已由本堂發給憑單今擬各招新生十餘名以備插班年齡在十五歲以上二十五歲以下為合格各商號學生有志向學者務於本月二十日以前來堂報名幸勿觀望

京張鐵路廣告

敬啟者本路自南口至懷來山峒現已通車准於本月十六日開售客貨各票特此登報俾眾週知